

Mvù Jâk

Bèh bieé

¹ Né mè Jâk nyagá né kóó. Mè né nùà seê Càn bô Fehtoò beèh Yeésò *Kristò. Mè nyagá njií né mé bí bò Càn bò* mé né wón doón ñellé ndeé, mè né bí bieé.

Càn mé temé cén duaà

² Bò nùàr mò, mɔ bí baá mene bò dàd gèr feh hihiné ñené, bí sàmè sér mé njéh lòu;

³ bí kɔ né ye, mɔ bí né temé yoòr Càn tég kwaá njií, gèr né mene bí jilí, sâ feh né bí njéh yolô.

⁴ Mɔ bí baá yoló, bí yoló ñágá lòm njéh doón ndɔ, te gècèn bìi yieé lom mé gùm mene, veên déi yoòr bìi ñéné cú, bí den lom bò jéjég bò sâ.

⁵ Mɔ lètenè bìi lo né nuaré déi saám, bú a, yúé njí mé Càn, à nde né bú ceér feh; à né Càn kó-jere felè nùàr doón, à haá yeé mé temé cén.

⁶ Njéh cén, kɔ nùà bú sâ a, dùà lòm bú mé temé seèn mene ndɔ, à té lòu sàd sér. Mɔ sam, nùà saân den né faá mvùòb nòmò nɔ; fu sé yeé baá kobó, nde né mé bú dùà doón ndoré yon.

⁷ Mɔ à né gèh nùà dé sâ, bú a, té ndèm mbaá kwá kú, ye nyí nde né njeré déi beè Càn kwa ndɔ;

⁸ bú a, kó sér lòu, ye nyí né nùà sòn fà, nyí né táfùr mbaá ma.

1:1 1:1 Mat. 13:55; Mk. 6:3; Seé b. 15:13; Gal. 1:19 * **1:1 1:1**
Lè ju greèk jue né gèh nùàr yulà cùòb fà. Bò kwé-ngòr Càn bò déi ye, Jâk bò Càn bò doón yilá né bó.

Nùà saâm mé nùà lieê

⁹ Nùà saâm mé né beè Yeésò *Kristò a, té njeré déi nyàmè; bú a, sàmè sér lòù, ye ngúlú dé nyí né beè Càn ma.

¹⁰ Mé nùà lieê mene, bú a, sàmè táre mé ngúlú dé beè Càn ménâ ndò. Bú a, kóó ye, dé kènê nyí nde né lòù jieé seér, nyí nde cu né faá mvue nyurè nò yuaá yuo.

¹¹ Mò lou komo yuoó aá gè bà, nde né baá taré, à bógó ñema sòm nyure dɔ́ɔ́, bò mvue yua yuo gi, nòmò yàgà bòn nyimé yuo gi ndò. Nùà lieê né ménâ, à nde né lètenè bò njèh seèn môn nyimé yuo.

Tájilí

¹² Nuaá mé gèr jilí mene bú naàn, mò à né yoló, à nde né samésé den. Lòù sam, à nde né yòn ndeèr jomo sâ kwa. Né sàgà mé Càn lé naâ tueé kwaá, ye bòó mé né nyí gwaán dɔ́ɔ́, nyí nde né mé bó haá.

¹³ Mò veên baá nuaré déi taáb, bú a, té Càn yoòr kú, à té túé ye, Càn tab né nyí kóó. Mè tueé bí, veên Càn siè kòmò bèh, Càn nùàr mé veên táb bèh ndò.

¹⁴ Tuaá mé né yoòr nùàr nderé né nùàr kóó, né bú soób, ye te à sela veên.

¹⁵ Tuaá hèllè sé yeé baá kurú, veên ñar. Veên sé yeé baá yaám, cio ñar ndò.

¹⁶ Bò nùàr mò, temé mò né yoòr bìi, bí té feh bìi mbaá bèlè kú.

¹⁷ Bò njèh dé bebagaà yuo gi né ké te vulúu beè Càn nùà njèh. Lou bò weéh mé bò mbentò ké te

vulúu doónj lé si gii naâ bú. À dé seèn kwéh sér bèh, à faá lou nɔ yílá lèr bèh, à béh te cibi faá lou nɔ sì ló ngwéh.

¹⁸ À béh yòŋ haá seér yeé kɔ́, à béh haá lom né mé kàgà-ndòn seèn ndɔ. À lé béh yòŋ sâ haá keéh naâ te ngòr gècèn-e, ye te béh yuo kela logô mé yòŋ sâ kɔ́, béh den felè bò njií mé nyí lé naá gii si doónj.

Nuà ngwé-tiè

¹⁹ Bò nuàr mò, temé mò né yoòr biì, bí múnò dèn ngòr hèn munò. Sâ tueé né ye: mɔ bó né tueé, nuà kàn a, féla kór gí doónj. Njèh cén, bú a, téé wúwágá túé ye; temé a, té bú wúwágá já ndɔ.

²⁰ Mɔ sam, nuà fúru-temê njèh didilí beè Càn bó húóm ndé ngwéh.

²¹ Bí gè mé ceér jéré-temé lè biì, bí nyénné sér veèn lòu. Bí gwaán yebbé seér ngòr Càn mé Càn dobo kwaá né lè biì doô; dé sâ yili sɔm seér nde né bí kɔ́.

²² Bí té ngòr Càn mbaá ngwé fàn nji, kɔ bí bóó seér faá ngòr Càn tueé nê nɔ, sâ ye. Mɔ sam, sâ bí né feh biì mé be biì bele.

²³ Mè tueé bí, nuaá mé né ngòr Càn ngweé, à faá ngòr Càn tueé nê nɔ bó ngwéh, féla né nuaá mé la naâ daregà ke.

²⁴ À yeé jene nyegé gi aá njolo seèn teèn bagasé, à kwaá njií doó, à fɔón gò seèn; tètèi sam à nyen njií cu aá gèh dé mé njolo seèn hèllè la naâ.

²⁵ Dé nuaá mé né *sóu Càn nené kɔ́, môn sam, à dé seèn sóu mbaá ngwé nji ngwéh, à bú nyèn

ngwéh. Lòu sam, sóú sâ né sóú jéjêg mé né nùàr te veên huaár som. À né temé teên kwaá njií, à né faá tueé nê nò bɔ́ɔ ndɔ. Dé seên Càn nde né bú mé seé seên kulú.

²⁶ Mɔ nuaré déi né munó ye nyí né nùà Càn, mé à leba siè ngwéh, sâ à né feh seên bele, à Càn dua kuú né dé lòu.

²⁷ Ceér Càn duaà mé né Càn yoòr huóóm tueé né dé seên ye: kɔ nùàr né bò huaán kú mé bò ma kú te gèr-e sie nyegé, sâ ye; kɔ à né be te seé *wónje som, te veên bú yoòr jèrè ndé cú, sâ ye ndɔ. Tele beèh Càn gwaán kela né cí.

2

Nùà balé

¹ Bò nùàr mò, bí bɔ́ɔ mé né dé bìi temé yoòr Fehtoò beèh Yeésò Kristò Nùà *Sùsum kwaá njií dɔ́ɔ, bí té bò nùàr lòu bàlè.

² Sâ jue né, merré déi nuaré déi bô mbeí ndeè naà te mògò bìi yilá ndeé, déi né nùà sèsàm, à né mé bò cògò sèsàm yoòr mé lòɔ sèsàm beè ndɔ; déi né dé seên nùà saâm, mé cògò tándàrè mán yoòr.

³ Bó fà dɔ́ɔ yeé waà baá, bí *sumú weh nùà sèsàm dé seên lòu, bí feh bú kɔgɔ sùsum, ye bú a: ndé dèn dé yeé ká teên. Bí né nùà saâm dé seên ter ngaáj kwaá den; mɔ sam bí ye bú a: dèn ndé dé seên ka bìi te bàɔ tabe.

⁴ Ngweéh sâ bí geí né nùàr lòu wa? Ngweéh sâ ndièm veên lè bìi doò tena né ju ménâ kɔ́ɔ mà.

⁵ Bò mbeí mò, temé mò né yoòr bìi, bí féla nyégé bagasé, bí kóɔ ye, Càn ká lè wónje balé

weh seér né bò saám bò, ye te bó kwaá yam njií gi temé yoòr nyí, bó yila Lò nyí faá nyí lé naá tueé kwaá nɔ: sâ à lé ye bòó mé gwaán né nyí doón nde gi né Lò nyí yilá.

⁶ Mɔ Càṅ né dé seèn ménâ tueé, bí bò saám bò lòu seb seér né dé kei wa? Ngweéh bò sèsám bò hèllè bí gèr feh keéh yeé kóó wa? Ngweéh bó bí toò juú njií yeé kóó wa?

⁷ Yilí nyógòr mé né yoòr biì doò, bó boó beéh yeé kóó ndò mà.

⁸ Mɔ bí né sóú dé koò mé lé yuoó naá sònò Nùà Dueè jolo, sâ bí boó yií né teèn. Te mvù Càṅe né môn nyagá den, ye: Gwàn mbeí yeé faá wò gwaán né ngàṅ yoòr yeè nɔ.»

⁹ Mɔ bí ménâ bó ngwéh, bí né seér nùàr lòu balé, sâ bí kwa né sóú, bí sela né veên; á sâ, ju nde né bí sie ndò.

¹⁰ Lòu sam, nuaá mé kwa baá njolo sóú cén kwa bilí né mé bò dé jomò mene.

¹¹ Bí kóó ye, nuaá mé lé yiín naá yàgà kuû doò, yiín cu né feh wulâ kóó ndò. Mɔ né mân, nuaá mé yàgà kú ngwéh, wula seér né dé seèn feh, kum né sóú.

¹² Mè tueé bí, njií mé bí né gi tueé, mé bí né boó doón, bí kóó ye, sóú mé nde né béh te veéne huaár sɔm doò nde gi né bí ju teèn bele laré.

¹³ Lòu sâ jere Càṅ mé nuaré dèi sìè ndé ngwéh faá jere lé nùà sâ mé mbeí sìè ná ngwêh nɔ. Dé bò kó-jere bò, lòu sà bó nde né ju feém.

Temé yoòr Yeésò kwaá njií, mé seé mene

¹⁴ Bò nùàr mò, hên mɔ nuaré dèi tueé lom né mé sòn, ye nyí né temé yoòr Càn kwaá njií, à njií mé Càn tueé nê bó ngwéh, sâ né njeré dèi gam wa? Gèh temé kwaá njií bú sâ nde né bú yili sòm ndɔ wa?

¹⁵ Mè jue né merré dèi cògò bô yáb né yeé mbeí saám,

¹⁶ bí né bú tueé seér, ye bú a: ndé bá-re бага, dùlù a, té wò dólé; cùè a, té wò siè ndɔ. Mɔ njií mé né bú yɔgó sâ, bí bú há ngwéh, sâ lélán ngòr bìi nde né bú gam wa?

¹⁷ Né kèi cén mé temé nùàr ndɔ: mɔ nuaré dèi né temé yoòr Càn kwaá njií, à seé bó ngwéh, sâ temé kwaá njií seèn sâ né komó temé.

¹⁸ Mɔ nuaré dèi ye mè a: mè boó né dé mò seé, nyí kwaá njií né dé nyí temé yoòr Càn ma, mɔ à tueé né ménâ, sâ mè nde né bieé ye bú a: Jògò fèh ke mè ndândaà temé yoòr Càn kwaá njií, mé seé teèn yílá ngwéh sâ, te mè feh keéh bú temé yoòr Càn kwaá njií, mè feh keéh bú mé seé mò.

¹⁹ Ngweéh wò né gi koó ye, Càn gi cegé né cén mà. Wò ko yíí né teèn. Bò tándulu né taré môn koó ndɔ, bó toò seèn ndelé yeé dé cì!

²⁰ Kòcò, tándugó! Kè, ndândaà temé yoòr Càn kwaá njií mé seé teèn yílá ngwéh, né temé kuú. Ko bó né gi fà dɔɔŋ, sâ ye. Kwá mè feh wò.

²¹ Ngweéh Abrahâm, tele beèh dé koò, lé nùà gècên beè Càn nàà naâ mé seé wa? À lé naâ nuna seèn Isâk toò Càn *semé njií.

²² Kènê wò nene ko baá kèn, ye temé seèn yoòr Càn kwaá njií, bô seé seèn lé naá gii bècénè fà

doón, te temé seèn yoòr Càn kwaá njií mboón ye mé seé seèn.

²³ Te yuo faá bó nyagá kwaá né te mvù Cànge nɔ, ye: Abrahâm lé naâ temé cén yoòr Càn kwaá njií; Càn lé bú nùà dilí yílá naâ mé njéh.» À lé bú mbeí seèn yílá naâ dé cî ndo.

²⁴ Sâ, bí néné kó bá nenè, ye Càn nùàr nùà dilí beè seèn yílá né mé temé yoòr seèn kwaá njií bô seé fà doón ma.

²⁵ Lé naá cuù mé Rahâb sormbe ménâ ndo: Càn lé bú nùà dilí beè seèn yílá naâ mé seé gècèn seèn: bô tebé bô déi lé yuoó naâ lètenè bô *Jûf, bó waà, à sie nyegé bó, à né bó gam. Bó yeé baá mé gò, à feh bó ceér dé hiîn, te bó beè yílá cú.

²⁶ Den né faá yo nùàr nɔ; mɔ cúcuí nùàr yuo aá, yo ɲa ká jomo komó. Né mé temé yoòr Càn kwaá njií ménâ ndo, mɔ seé teèn yílá ɲgwéh, sâ né komó temé.

3

Leba

¹ Bô nùàr mò, bí té mgbón mbaá mèrrè dèn, ye bí nde gi né bô fèh-njèh bô ɲaá. Mè tueé bí, béh bô fèh-njèh bô sâ, ju nde né felè beèh teèn; ju dé beèh taré kela nde né kɔó mé ju dé bô nùàr.

² Lòù sam, béh doón, béh né gi kèkènè bô veèn hihiné boó laré. Mɔ nùàr sòn mbaá túé sábé ɲí ɲgwéh, sâ nùà gècèn jéjég né bú, à nde né gùm seèn sie kɔó.

³ Béh nyam tébágàr lòn sònò yíi yeé dé cî, ye te bó ngweé sòn beèh ngweé, te béh sie komo gùm bòn dón mé njéh.

⁴ Déi né cu bàtô; mé hàm seèn mene dón, támbên pìlì mân lemé go né mé bú kóó. Bò fu tetarê né mene bàtô velá mgbómé yógó, mé njéh mene, mo nùà fár-bàtô ye nyí gwaán né kàn mé kán ndeê, à nde né tànèr bàtô hèllè bèh sâ mé njéh pìlì lemé njíí.

⁵ Mé leba né yeé ménâ ndo; támbên gà mé jie kela né yoòr nùàr kóó né bú. Mé njéh mene, à bò gègèér ngòr tueé yegé komo gi né kóó. Déi né cu we. Mo támbên bógó weè mân naga baá, à nde né gùm ndèndèn hobô dón ngie sòm.

⁶ Leba né môn, à né faá we no, dàmbò veên ká lè wónè dón bilí gi né teèn, à gùm nùàr dón bók beèh yeé kóó. Mo à baá sela, à nde né gùm nùàr dón beè no sie, à ngie sòm bú. Lòu sam, we bú sâ yuo den né tuar te cio.

⁷ Nùàr né gi bò kèkèné njéh dón sie komo, à tu bó: bò nyam o, bò non o, bò sàb mé bò ngò o, dón nùàr né gi bó sie komo.

⁸ Dé leba môn sam: bèh lo mé naâ-naà, nuaá mé né leba sie komo née teèn sam ye. Leba né lom gùr veên, nùàr bú siè kòmò bèh; teèn gobé den lom né lélán ndièm.

⁹ Mé leba cên sâ, béh Tele beèh Càn seén né mé njéh; bò nùàr mé Càn me kwaá né faá sòn seèn no, béh bó duagá cu né mé njéh ndo.

¹⁰ Béh vra né mé sòn cên sâ, béh duagá cu mé sòn cên sâ ndo. Kòcò bò nùàr mò, bí léloò,

¹¹ wanoón manyor* cén nòmò bagaà bô nòmò veên bèh cén-e sòm bèh.

¹² Mángòrè yeé màkpelân féi bèh, teér mánngòrè féi bèh ndo. Né kèi cén mé nòmò ménâ; ndóg nòmò bagaà te nòmò jelâ yùò bèh, bò nùàr mò.

Κόηκη μέ λο dé Càn

¹³ Nùà loò déi né lètenè bìi teèn wa? Nùà kógòn déi né lètenè bìi teèn ndo wa? Bú a, bó yébbé sòm kèh te seé seèn, te bò nùàr ηene kò teèn, ye à né ηèh kóó.

¹⁴ Á, mɔ bí jelá le né lélán sà bô huer ndo, sâ bí té mbaá púnó kú, bí té gécên Càn te nyeéne nyímé ló.

¹⁵ Gèh kógòn bú sâ beè Càn yùò bèh; né lo dé bò nùàr ká lè wóηe, dé sâ né seé táhòrò.

¹⁶ Lòu sam, bèh mé sà bô huer né teèn, ηèh nde né bèh sâ lòu ndabé den, veên feh hihiné nde né bèh sâ kurú ndo.

¹⁷ Κόηκη Càn dé seèn môn sam, à né dé seèn ηagásé tâη, dólésé mbô, yébbè yébbè ndo; à né dé seèn lélán húóm-temê, mé kó-jere, lélán ηágá temê; à nùàr gèi bèh, à mé sòn fà sam ndo.

¹⁸ Mè tueé bí, bòó mé né dólê lètenè bò mbaábòòn goó su dón, vu kwaá né gèh bèh dólê, te wa tàb, bó ndeè kaga nyegé bagasé. Tàb sâ né dene dé dilí.

4

*Mbeí *wôη deèn*

* **3:11 3:11** Manyor né njolo nòmò mé né dòu yuo.

¹ Jógó mé kèrrè lètenè biì kelà he ndo wa? Sâ dɔ́ɔ́ né gi tuaá wôn mé né lè biì, ñaán né bí môn kɔ́.

² Bí sé yeé baá njeré déi gwaán, temé biì jɔ́ɔ́ le teèn; bí sé yeé kwà cú, ña wúlá-feh. Tuaá sé yeé baá bí mé njeré déi sie, bí sé yeé kwà kòmò cú, lègè die lètenè biì, kèrrè kela baá-re teèn yila. Mè tueé bí, bí bò njií sâ kwà bèh; lòu sam, bí mé Càn dùà jí bèh.

³ Bí né mene mé bú dua njií, bí kwà bèh. Lòu sam, bí teèn dùà yí ñgwéh, bí kɔ́ lom né duaà, te bí bɔ́ mé njéh faá bí gwaán nê nɔ.

⁴ Kòcò, jue ka bí bò vevenê bò! Bí kó ñgwéh ye, mɔ́ bí né bò mbeí wôn, sâ bí né bò bònò bò Càn wa? Né yeé môn; nuaá mé ye nyí né mbeí wôn né nua bònò Càn.

⁵ Bí té múnò, ye bó te mvù Càn nyagá kuú né dé lòu, ye: Yòn mé Càn yí kwaá né yoòr beèh hên, à bú cií lom nde né mé huer mene.

⁶ Sâ kè-re ndo, mé njéh mene, Càn né cu béh húóm-temé seèn lòu feh keéh ñeí, te yuo faá bó lé nyagá kwaá naà te mvù Càn nɔ, ye:

Nuaá mé né lòu ñgumó dɔ́ɔ́, Càn bú gwàn bèh, à húóm-temé seèn feh keéh seér né mé bò dedɔ́lê bò.»

⁷ Mɔ́ bí ye te huóm, bí léb ndé toò Càn, bí njéba taáb mé *Sátàn, à nde né bí dula kwaá loó.

⁸ Bí ñgòrò ndé jí yoòr Càn, te Càn ñgoró nde yoòr biì ndo. Kòcò bò leba bò, bí yàgà sòm jí bò veèn beè, bí yaga nyegé temé ndo.

⁹ Bí vúágá kú, bí sì yúé, bí né njegér. Bí lòò ja kioô, bí yúé sér lòù. Bí lòò vógó-temé, bí vúágá sér kú.

¹⁰ Bí cémme ndé gí toò Fehtoò beèh, à nde né bí ter sie sòm.

Ju felè mbeî tenâ

¹¹ Bò nùàr mò, nùàr té mbeî júé. Nuaá mé né mbeî jueé, mé né ju felè seèn tená gɔ dɔɔŋ, jue né *sóú, à ju tena né felè sóú ndɔ. Mɔ à né ju felè sóú ménâ tená, sâ à feh seèn weh né faá nùà téná-juù nɔ, à sóú hèllè jòlò ndé cú.

¹² Mè né tueé ye bí a, ye sóú sou lom né Càn nùà njèh, à né lom nùà téná-juù teèn mé huún ndɔ. Terreb nùàr yili sòòm mé nùàr calé sòòm né cegé beè seèn mé huún. Wò né nèi mé né ju felè mbeî tená wa?

Hàm feh

¹³ Bí bòó mé né tueé gɔ ye: lan wa, né kwéh wa, béh nde né te lòó mân ndeé, béh cer teèn gùm nyèrà, béh né toón bòó, béh né kàgàlòn kwa, bí bòó mé né ménâ tueé sâ, bí ngwé nyégé bagasé.

¹⁴ Njii mé wa ndeè né felè bìi kwéh, bí né kɔɔ wa? Bí den né faá mvulu bègè nɔ; à nde gí né bagasé sie ndɔgɔ, tètèi sam à ñagá yuo cu aá kèn.

¹⁵ Mɔ ye te huòm, bí sé la tueé seér naâ ye: mɔ Nùà Dueè né gwaán, à nde né béh terreb haá, te béh bòó dé kàn mé dé kân.

¹⁶ Bí lòò cí, bí né seér feh mé púnò mbaá ham gɔ. Bí kó ngwéh ye gèh púnò bú sâ né dé veèn wa?

¹⁷ Sâ kènê ndo, nuaá mé né ceér bagaà kóó, lòò cí, nde bele seér ceér dé hiîn, kuú baá veên kèn.

5

Gèr felè bò lilieê bò

¹ Bí bò lilieê bò ngwé nyégé bagasé ndo, bí sì mbà siì, bí njègèr lòm dé njegêr, gèr baá felè bìi ndeê!

² Bò ngúlú bìi hèllè baá gi tàbè, sueé cògò bìi yieé gi aá kèn.

³ Jagàb kàgàlòn bìi vu sòm aá ndo, te bí ndeè die ju mé njéh. Mè tueé bí, gùm bìi vu nde né faá we ngie né bú kóó nɔ. Lòu sam, bí nde ngúlú bìi cuan bilí, sâ wón baá gi ká bèh cerê.

⁴ Bí né bò seé bò ké nueh yíí, bó né bí boór kieé, bó né yab kwaá, bí bó kàgàlòn gwòm bèh. Bí ngwé njí kén boòn kán, bó né Càṅ terrèb felè bìi keén yilá, à né hueh boòn ngweé ndo.

⁵ Bí né dé bìi *wón samé yieé, bí né pòyòg yieé. Ngweéh bí né lom faá nyam cèllè mé bó nde né ɲóób wa?

⁶ Bòó mé bèh njèh kó ngwéh, bí ju felè boòn tena gi aá kèn, bí wula kuú né bó mé sòn fuú ndo. Mé njéh mene, bó kɔ lom né kuú, bó sòn toò bìi táré bèh.

Temé sieè mé Càṅ duaà

⁷ Bò nùàr mò, bí siè lòm temé tég, kɔ Fehtoò beèh ndeè cuù baá kèn. Bí kè wèh beè nùà kíé-boór: mɔ à kie gi aá boór seèn, à nde né sèn mé

nu cên kwaá, à nde né sèn mé nu dé jomò kwaá, à né yab teèn yoló kela den.

⁸ Bí yóló ménâ ndo, bí siè lòm temé tég, Fehtoò beèh baá ndeê.

⁹ Bò nuàr mò, bí té lètenè biì lòu ndúgó gò, te ju ndeè bí beè Càn siè cú. Nùà téná-juù baá ndeê, à hên nò.

¹⁰ Belà, bí múnò nǝ cégé mé dene bò *sòn-Càn bò léi jògò; bó lé naâ lè yilí Nùà Dueè tueé, bó né gèr teèn ñené yilí. Mé njéh mene, bó lé naâ lòu yoló seér. Bí kè wèh beè bòn, bí yolo lom ménâ ndo.

¹¹ Béh né gi kóó ye, kènê bó né dé bòn dé samé samé seér. Lòu sam, bó lé naâ tég sie huóm. Bí lé naá gi siè-temé Jòb ñgweé. À yeé baá temé môn sie, Nùà Dueè lé naâ bú ñhè ñgún kulú haá cuú; bí né gi kóó. Lòu sam, Nùà Dueè né Càn kó-jeè, lélan huóm-temê ndo.

¹² Tétán bò nuàr mò, bí té jègè jègè nyì. Nuàr a, té vulú jègè, à té tàbè jègè. Né mene kei, bú a, té nǝi sâ jègè nyì. Nùà kàn a, túé lòm sòn cén, sâ gi aá. Mò né nyea, sâ né lom nyea; mò né sam, sâ né lom ka sam, gi môn ndo; te ju bí beè Càn siè cú.

¹³ Lètenè biì nuaré dèi né gèr teèn ñené wa? Bú a, dùa Càn duaà. Nuaré dèi né samé wa? Bú a, si bené.

¹⁴ Lètenè biì nuaré dèi né teèn baán wa? Bú a, yílá bílí bò kokoò bò gwà Càn. Mò bó baá gi doó, bó dua bú Càn felè, bó bó bú kómó mé yilí Nùà Dueè.

¹⁵ Mɔ bó dua lom né mé temé cén, sâ Nùà Dueè nde né nùà beên doô yili sòm, à nde né bú ter sie sòm. Mɔ à naâ veên déi bóó, Nùà Dueè nde né bú mé njéh kulú sòm ndo.

¹⁶ Mɔ né mân, sâ bí sàlè sòm kú mé veên lètenè bìi, bí né mé Càn dua kuú, te bí taré yuo. Bí kóó ye, mɔ nùà dilí baá Càn mé temé cén dua, sòn seên né yeé ngulí dé gècên ma.

¹⁷ Né faá *Elí nɔ; à lé naâ nùàr faá béh ndo. À lé dua loóm naâ Càn mé temé seên mene doón, ye te nu né cú. Ngweéh nu ka né ngwéh tóg nde wa nyè mà tagár mé kwèh mà.

¹⁸ À yeé dua cu aá Càn, nu ne cu ye; yab nde cu ye yuo.

¹⁹ Bò nùàr mò, mɔ nuaré déi né ceér gècên saáb, nuaá mé weh njií cuú bú te ceér gècéne doón bóó yií né teèn.

²⁰ Bí kóó ye, nuaá mé sie sòm nùà veên déi te veéne, feh bú ceér Càn, yili sòm seér né nùà sâ te cio lòù. Sâ veên seên lé naá menè ngún, bó nde né bú mé njéh kulú sòm gií.

Mvù Ngòṇ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 Dec 2025 from source
files dated 13 May 2025
f0e8e7ba-c2cf-57f7-9a60-8ff0e792e158